

●● Bra at unge som vil inn i politikken torer å varsle om maktmisbruk.

LES DAGENS LEIAR



Har lagt ut på jubileumsseglas

Elisabet og Dina er med på Sunnivasegласen. **SIDE 14 OG 15**



Gir frå seg sjefsstolen etter 35 år

Tore Hjellevik tar over etter Ove Kjølle i Eid Elektro. **SIDE 11**

Fjordenes Tidende

Størst i Nordfjord

NR. 68, 110. ÅRGANG

tysdag

1. SEPTEMBER 2020

LAUSSAL KR 30,-



FOTO: BJØRN ERIK DRABLOS

Tar nye steg mot suksess

Husevåg Rør AS leverer stabilt gode resultat samtidig som selskapet fortsetter å vokse. Nylig ansatte måløybedriften to nye medarbeidere og en tredje

lærling, og daglig leder Kristian Nydal forklarer suksessen med kompetente ansatte, godt samarbeid i bransjen og et offensivt lokalt næringsliv. **SIDE 4 OG 5**



Har fått sin første kunde på land

Havfront og Marius Strømmen har sidan 2016 levert «verdast minste sløye- og kappemaskin» til kvitfiskflåta. No har dei vidareutvikla maskina for å passe til landindustrien. **SIDE 12**



Fikk raskt kontroll

Fullt mannskap rykket ut da det begynte å brenne ved MHServe sitt anlegg på Kulen. **SIDE 8**



Meiner selskapa er i trygge hender

Leon Knapskog flytter snart sørover til Valencia, men 34-åringen har stor tru på at både Minibakeriet og Aske vil halde fram i beste velgåande med nye daglege leiarar. **SIDE 10 OG 11**

tips:
57 84 90 00
sms/mms:
fjt tips til 2399
epost:
fjt@fjt.no

kultur



FESTIVAL: Både marknad, stands og underholdning var med på å bringe folk til Selje sentrum denne laurdagen.

Elisabet og Dina følgjer skrinet

Denne helga gjekk Sunnivafestivalen 2020 av stabelen i Selje. Fredag kveld stod kveldsbøn, fakkeltog og avskjed med ein kopi av Sunnivaskrinet på det rikholdige festivalprogrammet.

Kopien av Sunnivaskrinet vart frakta frå Selje kyrkje, over Seljesanden og bort til Klosterbåten som skulle frakte skrinet ut til Selja.

850 år

I år er det nemleg 850 år sidan Sankta Sunniva sine leivningar vart flytta frå Selja til Bergen. I den samanheng er det arrangert ein kystpilegrimssegles frå Selja til Bergen med ein kopi av Sunnivaskrinet.

– Skrinet skal vere eit symbol for vår rike historie, og på stoppestadane langs leia vil konfirantar og andre fylle skrinet med papirblomar med bønner og draumar for framtida, opplyser Stad kommune og Stad kyrkjelege fellesråd.

Ser fram til ei spesiell oppleving

Elisabet Osdal (17) og Dina Øien (18) er to av fire unge som er invitert til å vere med på ein seglas i historiske farkostar langs Kystpilegrimsleia for å markere at det er 850 år sidan flyttinga av Sankta Sunniva sine leivningar.

Dei ser fram til den spanande opplevinga, og gleder seg veldig til seglasen startar frå Selja laurdag 29. august.

– Eg er med fordi eg trur det blir ei oppleving som ikkje så mange får moglegheita til å oppleve, seier Øien, før reisekompanjong Osdal legg til:

– Det verkar veldig spanande og nytt. Vi veit ikkje heilt kva vi gir oss ut på enda, så dette blir spanande.

Skrinet blir frakta i kulturhistoriske båtar som avløyser kvarandre undervegs, og som også har stopp på historiske stadar på ferda. Planen er å komme til Bergen laurdag 5. september – med ei ny markering der.

Sunnivafestivalen bestod elles av eit rikholdig program, frukostmøte om berekraftig reiseliv på Stad hotell, strandrydding, ope hus i Selje pilegrimsstove og utstillingane der, guida tur over Selja med Stadt Naturguiding, samt marknad og stands i sentrum og konsert med Ytre Nordfjord Brass i parken.

ANDREAS HELLENES
andreas.hellenes@fjt.no



FAKKELTOG: Rundt 30 stykk gjekk fakkeltog frå Selje kyrkje fredag kveld.



SAMAN: F.v. Inger Mette Sefland i Sefar, Karoline Liseth og Alexis Morken, Hove Aktivitetscenter og kunstnar Vera Holmen hadde salsutstilling.



PRODUKT: F.v. nonne Evgenia, nonne Damaskini og abbedisse Thavoria selde eigenlaga naturprodukt som salve, såpe, krydder og religiøse gjenstandar.



STAND: Fader Isak (f.v) fortalde at han var fornøgd med Sunnivafestivalen, og at dei hadde gleda seg. Her saman med fader Smaragdus ved sidan av



UT PÅ REISE:

Stad-ordførar Alfred Bjørlo og Isak Rutledal var to av fire som frakta kopien frå Selje kyrkje til Klosterbåten. Her står dei saman med dei fire jentene som skal vere med å frakte skrinet vidare frå Selja til Bergen. F.v. Dina Øien, Sunniva Aadland Høen, Alfred Bjørlo, Isak Rutledal, Elisabet Osdal og Victoria Elise Lid. **ALLE FOTO: ANDREAS HELLENES**



KLARTE DET: Til slutt kom både jentene og skrinet seg på båten som skulle frakte dei ut til Selja.



KOMMUNIKASJON: Å frakte eit avlangt skrin på ei trong båtkai kravde samarbeid.